

BASES DO CONCURSO PARA O CARTEL ARDE LUCUS 2018

A Concellería de Cultura, Turismo, Xuventude e Promoción da Lingua do Excmo. Concello de Lugo, co fin de elixir o cartel anunciador do “Arde Lucus 2018” convoca un concurso de deseño gráfico dacordo coas seguintes BASES:

1- Poderá concorrer toda a poboación, con traballos de formato A3 e técnica libre, que deberán ser presentados sobre soporte ríxido que facilite a súa exposición, ademais de copia en formato digital (JPEG o PNG) con una resolución de 1890 X 2645.

2- Os deseños deberán reflexar o espírito da festa Arde Lucus, facendo especial fincapé na reconstrucción histórica e a volta da cidade a época da súa fundación.

3- Os carteis presentados quedarán en poder do Excmo. Concello de Lugo. O deseño gañador será empregado como cartel anunciador do “Arde Lucus 2018” e, os restantes carteis presentados, serán expostos na Casa da Xuventude e nas redes sociais durante un mes. Unha vez rematada a exposición, terán un prazo de 15 días para ser recollidos polo seu autor/a, pasado ese prazo serán propiedade do Concello de Lugo que decidirá o seu destino.

O cartel gañador será propiedade do Concello, que poderá cedelo a terceiros. Os/ autores/as renuncian a todos os dereitos de explotación, só conservarán os dereitos de autor/a para incluílo no seu currículo.

4- Os traballos deberán ser presentados en sobre pechado co lema do cartel, sen ningunha forma de identificación. Noutro sobre que levará escrito así mesmo o lema, axuntaranse os datos do/a autor/a, tales como nome, enderezo, e teléfono. Ademais, deberá enviarse unha copia escaneada do DNI ou equivalente e copia escaneada da declaración xurada que figura no anexo I destas bases.

A organización resérvase o dereito de exclusión das obras nos seguintes casos:

- Cando se incumpran un ou varios puntos destas bases.
- Cando a participación se faga empregando datos falsos ou haxa indicios de que o son, se a persoa non verifica os seus datos no prazo outorgado.
- Cando as obras presentadas non se axusten ao tema do concurso.

5- Os carteis obrigatoriamente terán que levar o seguintes compoñentes:

- Arde Lucus MMXVIII
- Festa de Interese turístico galego e Festa de Interese Turístico Nacional.
- A páxina web: www.ardelucus.com
- A data de celebración: 15,16 e 17 de xuño
- Os logotipos das redes sociais: tiwtter, tuenti, flirck e facebook.

6- A entrega de orixinais efectuarase na Casa da Xuventude dende a convocatoria ata o 16 de febreiro do 2018. O horario de entrega será de 10.00h a 14.00h e de 16.30h a 21.30h, ou por correo certificado na seguinte dirección: Casa da Xuventude, R/ Xesús Bal e Gay s/n, 27002 LUGO. No caso de realizar o envío por correo certificado, será necesario que se envíe copia escaneada do envío a seguinte dirección de correo : mariajose.pena@concellodelugo.org, o día que que realice o envío. O último día de admisión de orixinais é o 15 de febreiro, non se admitirán obras que cheguen pasado este día.

7- As obras presentadas serán exhibidas nas redes sociais do Arde Lucus, onde se farán unha votación popular da que se seleccionarán as obras que se someterán a votación do xurado.

Unha vez realizada a votación popular on-line seleccionanranse o seguinte número de carteis:

- Si o número de carteis presentados non supera os 50, seleccionaránse os 10 máis votados.
- Si o número de carteis supera os 50, seleccionaranse 10 e a maiores o 10% dos numero total de carteis presentados.

Esta votación popular levarase a cabo on-line. O prazo para a votación estará aberto desde as 12:00 horas do 22 de febreiro ata as 12:00 horas do 28 de febreiro. Unha vez feito o reconto de votos, farase pública a selección a través das redes sociais oficiais do Arde Lucus 2018 e da web do Concello de Lugo www.lugo.gal

8.- O Concello de Lugo seleccionará un xurado formado por tres persoas expertas o cal será o encargado de seleccionar a obra gañadora entre as seleccionadas previamente pola votación popular o día 2 de marzo ás 11.00 horas na Casa da Xuventude.

9.-Os carteis premiados quedarán en propiedade e uso exclusivo do Concello de Lugo. As e os autores cederanlle á institución os dereitos totais de exhibición e reprodución das obras premiadas.

10.-As e os gañadores dan o seu consentimento para que o seu nome apareza nos materiais informativos e promocionais, xa sexan impresos ou dixitais do Concello de Lugo. Co fin de poder levar a cabo cantas accións promocionais e de difusión do concurso que considere necesarias a organización, todas as persoas participantes cederanlle ao Concello de Lugo, con carácter gratuíto, os dereitos de reprodución e comunicación pública das obras presentadas a concurso. A cesión dos ditos dereitos permitiralle ao Concello de Lugo transformar as obras tecnicamente na medida que sexa necesaria para adecualas ao formato, imaxe ou aparencia de Internet o calquera outra tecnoloxía susceptible de adscrición a Internet, así como a reproducilas nos soportes físicos que se estimen convenientes.

11- Os/as participantes someteranse á decisión do xurado, que resolverá sobre calquera dúbida non prevista nas presentes bases. No caso de facerse unha entrega pública o/a gañador/a do certame comprométese a recoller persoalmente o premio ou facerse representar debidamente no acto.

12- O simple feito da presentación ao concurso supón a plena aceptación destas bases.

13- Establécese un premio o traballo gañador valorado en 1.000€, este importe estará sometido os impostos legais pertinentes.

14- O gañador ou gañadora entregará unha copia do cartel en capas e óptima resolución, de forma que permita a súa adaptación os distintos soportes de comunicación que precise a campaña do Arde Lucus.

15.- Calquera incidencia non contemplada nestas bases, será resolta pola organización.

ANEXO I
DECLARACIÓN XURADA
CONCURSO DO **CARTEL ARDE LUCUS 2018**
CONCELLO DE LUGO

DONA/DON
con DNI como autora ou autor da/s obra/s
titulada/s:

.....
.....
.....

DECLARO,

Que o/s cartei/s presentado/s ao concurso son inéditos e da miña
autoría.

Que non recibiron outros premios ou distincións pola participación
noutros concursos de similares características.

Que son a/o única/o titular dos dereitos de autor do cartel, e fágome
responsable de calquera tipo de reclamación, eximindo ao Concello de
Lugo da dita responsabilidade.

....., de de 2018